

5476.3/83B

~~6103.3~~

15

HARVARD COLLEGE LIBRARY  
FROM THE  
HARVARD-YENCHING  
INSTITUTE  
FEB 1 1932

~~5E31.3208~~



御製詩初集卷之三十四

古今體一百三首

丙寅六

題徐賁眠雲軒圖用高季迪韻

明季能詩家孰與渤海儔偶然披此圖喜復  
晤青邱紗幘對快晴爽風蕩輕裊胡乃滂勃  
雲不離几案頭妙哉施可堂眠雲意何悠幼  
文圖成之老筆殊難侔昔讀大全集曠若乘  
虛舟末由涉其藩如望滄瀛洲是詩久成誦  
叫絕杯屢浮乃今見手蹟動我逸興幽由來



出倫材美備原可求詩情鳥雲飛字法龍空  
游適然成三絕展卷不忍收曾聞白雲亭高  
蜀傳郭休亦越浮雲詩閒澹憶蘇州古人渺  
其遠誰能勝一籌正如彼行雲踪跡難延留  
雲留固已佳與之偕由由雲去亦云得絕無  
得失愁虛堂清晝閒無夢尋莊周拈來一麋  
韵詎論工與不惟以紀時日乾隆丙寅秋

六月晦日作

炎景餘今日流陰尚屢遷山容辭夏去樹色

向秋偏石白將欺蘚波紅有敗蓮何須歎代  
謝旋轉自年年

七月朔日

素節新秋始晚涼急雨過看雲成薄絮臨水  
有微波歲月倏分半光陰迅幾多西山凝望  
處一桁列烟螺

秋花

夏日種秋花秋來花已發輕霏池榭烟澹映  
楸梧月瑣碎黃金瓣丁星紫玉枿裊風態猶

弱飲露香愈醇誰云金令肅饒有生意活

題秋扇

色疊銀雲似形懸璧月同寒來將棄置莫漫引金風

賦得秋日懸清光

秋月剗臨孟義車趁快晴麗天欣耀爽懸宇  
恰揚清離以暄為德時而暘則亨軒墀消溽  
潤簾幙益晶明晃處金颺蕩晞餘玉露輕如  
雲黃漸染顯若對西成

討源書屋秋曉

窗納寥天淨片雲山容水態恰全分朝來底  
事秋光轉一夜西風枕畔聞

蟬響蛩音各有情樹間淅瀝重淒清自從讀  
罷歐陽句有興無須更賦聲

從來秋色令人靜况復山齋清且閒目窮宇  
外隨雲去心在林間共鳥還  
玉露金風一寫之分明秋景乃如斯凭欄自  
適還自問識得分明者是誰

眉月

時七月  
初三日

西宇哉生露淺痕似羞夕照盼黃昏顰來西  
子劉餘半畫出張郎不可捫窺鏡暫低光有  
暈學山欲就影猶存黃姑屈指銀河畔曼睩  
凝愁正斷魂

御園新秋

樹色溪光靜且佳颯然秋意到閒齋巢梁風  
裏全無燕篆壁兩餘時有蝸青鳥未傳瑤島  
信義車猶駐挈壺牌日暄風散符金令佇侍

西成已愜懷

致階簇簇發秋花微遞清芬飽露華今古常  
醒風月夢朝晡幾報螿蜂衙澆書瀾茗燃枯  
竹撫帖臨池翦綠芭消得閔農眉略放澄心  
味道足生涯

無悰

無悰匪我獨無悰詩裡西崑昔有蹤望遠升  
高渺何極朝雲暮雨竟難從褰帷對處穿林  
月歌枕聽餘咽蘚蛩乍為新愁到秋切却牽

舊恨入懷重

秋晴

春晴令人愁秋晴令人喜年年秋復春安能  
彼易此愁春晴偏多飛塵暗桃李喜秋晴則  
鮮積霖病糜芑今歲寔厚幸夏初甘雨羨自  
是常適均原隰徧蕤蕤茲乃孟秋月宜暘念  
無已昨夜細雨零詰朝雲勢駛方虞辜望歲  
倏忽西風起徂雲無留蹤氣爽天高矣秋蟬  
亮其聲閒花繇歎藥憑軒有餘樂拈吟聊復

爾嗟予望蜀心矻矻何時止自訟還自憐近  
臣安喻是

七夕

金風玉露夕天淡雲閒時好景適然耳新秋  
一賞之候仙嗤妄想乞巧懶陳詞萬古永相  
望吾懷工部詩

鄒一桂春華圖

姹紫嫣紅態不同艷陽庭院綺羅叢寫生偶  
覩清卿筆寓意因思庶子風

鄒一桂秋艷圖

西蜀未吟傳杜甫東籬兀對想陶潛  
淒清自領閒風露不作爭時與附炎

新秋月

向晚散翔雲舉首見新月借助露華風  
隱映桂香窟引弓猶未滿較眉畧已潤  
清景會今宵寒光送天末即事憶年來  
拈髭逸興發

秋夜泛湖依舊作賦唐文皇爽氣澄蘭

沼詩韻

新秋雖覺炎朝暮餘清爽鑑湖渺澄碧  
太虛涵萬象西山倒影來螺紋如拍掌  
至理在天地妙契歸俯仰

常懷唐文皇致治亦云既其對杜淹時  
猶云可諫未即此延訪心豈恃九重貴  
五字景物詩一派中和氣

文漪霽靄澄荷芰露華凝靜觀心似鏡  
涼覺月如冰光景原堪掬清幽已不勝  
且閒吟倚興盡舫暫教登

岸影全消漲沙痕乍露灘好題拈水月香氣  
遞風蘭竭詠前秋句因同今夕觀如如孰來  
去聊以適清歡

蟬聲尚戀梧蘆花已貼沼光陰迅若茲安能  
假分杪良夜正悠悠佳景吟了了漏下玉繩  
低素娥抱孤皎

石頭城

石頭城袁粲死褚淵生石頭城死非死生豈  
生直筆無須南史來後世此風何其衰民之

秉彛好懿德子野作傳空復材

讀史

晏子為齊相駟馬駕高軒旄旗夾兩途大蓋  
擁其前御者尚揚揚意氣甚哆然乃其自不  
足深心在式轅智哉御者妻識之闕門間讀  
此可自警匪為嬰薦賢

倚楹

暫遣幾餘一倚楹踈梧遶榭早秋清輕雲不  
勝西風力讓與金官作快晴



秋光

物色傳金令天心現白藏懸來惟碧宇暴處  
以秋陽有水皆澄澈無山不鬱蒼寒蟬柳陰  
咽丹桂月中香皜矣觀斯靜誰哉畫可方高  
樓一縱目滿意挹清涼

掛劍臺

仗劍適千里安可暫離身即使徐君求亦將  
此義陳徐君知季子季子知徐君不道使車  
迴乃作泉下人解劍掛樹間牢騷難具論但

謂踐信義未識吳王孫

中元即事

襄雲幾縷碧空收銀渚低垂露氣浮貼沼光  
分金炬燦傷階叢艷錦機稠流陰慢比駒馳  
速佳景聊將綺思酌欄外桂花微遞馥中元  
巧借作中秋

放生

魚喜江湖鳥喜天物各得所性自全意欲愛  
之乃害之適如毆魚之獺毆爵鷓嗟哉煦煦

行樂詩卷之四 卷三十四  
為仁流放生之事於是傳市井小兒謀利巧  
深淵取魚樹羅鳥持鬻街頭供放生猶然自  
咎所獲少剗幸九死得一生駝喙未定魂猶  
驚因緣仍復遭網罟終為几上之菹釜中烹  
君不見自從人好行小惠林泉之物乃少全  
其類

觀河燈漫成三首

巧處人偷造化權紅蓮開盡燦金蓮誰知寸  
燭風光裏又放秋蟾一度圓

玉露金風滿液池孟蘭聲裏絳河披燈前會  
得傳薪旨去歲今時又所思  
漫言濟度傳西竺且看光明普大千仙術無  
須矜祕密人人火裏種金蓮

秋蟬

飲露聲纔潔因炎噪略騰隨時物皆爾自立  
汝何曾

熱時七月  
十八日

孟秋月過望祝融御早旋况度處暑節殘暑

應已蠲邇日熱稍劇轉覺苦歎煩炎官恣婪  
尾白帝疑無權輕風縱送爽赤日勢正暄亦  
知匪久長有如深春寒時令苟不協孜孜心  
鮮安或謂借鬱蒸堅好益大田今秋兆已佳  
宜暘穫倍焉或謂當秋熟恐有疾病人叶已  
嫌意靡適更聽言兩端至理契中庸因悟為  
君難

秋海棠

不與春光爭艷冶却教秋圃擅風流輸他江

氏三分白借已楊家一半柔斜倚井桐紈影  
動低臨池水鏡光浮寒蟲唧唧清宵永彷彿  
金籠玉枕頭

無題

吟成枕畔權教讀題向愁中許共知樊素朝  
雲具神解應留二老惜春詩

秋雨

微覺炎官去復旋即欣好雨暑全蠲恰如曲  
意隨人意都道今年定有年綠洗井梧疎別

律製詩補集 卷三十四  
院響增瀑布掛前川晚荷得氣餘香遞便與  
橫塘放舸船

秋窓一夜聽廉纖  
傷曉珠絲尚滴檐  
借助有風皆送爽  
思量無雨那驅炎  
獨憐蛩咽聲依榻  
空負葵傾色映簾  
既雨宜晴晴亦好  
但雲微露遠峰尖

披襟庭院涼蕭瑟  
縱目溪山景靜嘉  
竅喜黃雲徧禾黍  
更教膏澤逮蔬瓜  
閒鷗眠裏烟波濶  
乾鵲鳴中夕照斜  
却為年來勤望歲  
較晴

量雨略無差

爽

秋雨晴宜速金風爽更佳  
無須團扇引漸覺  
袷衣諧日影侵階  
際沙痕露水涯  
三時屢望歲此日稍舒懷

直隸總督那蘓圖奏進禾穗長尺餘宣  
示廷臣詩以誌喜

牧臣朝進玉禾攢  
瑞比金芝帶露溥  
盈尺累累誠滿意  
一時濟濟並傳觀  
從茲可望倉箱

積况復無須租賦完朕降旨輪免天下正賦直隸今歲初在普免之  
中却與張公同一喜吟餘園粟為加餐

晚荷

晚荷弄餘芳搖曳臨秋池微露縱有意承暉  
覺無姿西皞令肅若南國香銷了美人寐不  
採騷客誰為題似懷紈扇怨如抱涼蟬悲颯  
沓振清籟疑唱秋風詞偶披稚圭傳名言頗  
似之湛靜安舒者亦戒於後時

日影

靜聽花叢促漏筩俄看花影上簾櫳光陰駒  
隙有如此壽夭彭殤一例中獨喜蕭齋延朗  
照且舒曠志附高空讀書秋日欣清暇理窟  
何曾得易窮

夢中得詩二句醒而猶記因命董邦達

畫之以成一章

雲時山覺溼風處樹生姿宣付詞臣寫端成  
畫裏詩

七月二十八日命駕進宮時屆西成抵

御製詩文集 卷三十四  
京協慶憑輿縱目斐然成章亦歌其事云爾

玉露被町疇金風颺旌幟六御向金闕千隊  
陳車騎黃雲紛夾途珠顆累垂穗寔堅復寔  
好既銓亦既艾力田更逢年惟農勞所致念  
自春徂秋孜孜常厘意屈指西郊路往還歲  
數四籌量雨與暘一刻安能置復慮黍與稻  
高下難全備覩茲大有收喜出人擬議租賦  
庶無慮倉箱差可積憑輿稍洽懷敢詡豐登

瑞十歟而一豐獲榮以為愧

桂

愛此招搖種紛敷郁烈芳葉翻遮戶綠花散  
逗林黃夏半迎薰秀今夏有早桂之作秋分裛露香  
擬增新品格月木駐年長

八月一日

雖是中秋月猶欣秋未中露珠圓漸白藜穗  
亂餘紅蛩響如爭候雲容尚戀空田家新黍  
熟處處遞香風

月兔

月兔爰爰桂樹邊廣寒輪廓遍三千豈知放  
眼青天外極大圓中一小圓

漫題

八月二日

玉露金風朶殿隈儒臣奏進誦章來放朝早  
下三聲漏却為經筵御論催

復聞淮海所屬州縣被水亟命地方大  
吏加意撫恤南顧惻然因成長句

淮海伊古稱澤國邇來災祲何其多壬戌大

浸民其魚屈指五載曾未過今秋淮黃乃竝  
漲魚行於地鳥處河白日鎮見蛟龍鬪當秋  
安得倉箱羅草根薦為盤上菹守臣所奏非  
傳訛嗟嗟灾餘我赤子元氣未復將如何倉  
粟庫帑爾莫惜溝壑待救難蹉跎日馬頤之  
潛焉涕我政有失乖天和

王綬古木叢篁用畫間題者韻

澄心一幅淨如空古木數枝態作風寫出不  
須邀白帝竅構樛處足秋容

文石踈篁間偃柯更教幽徑帶烟蘿倪黃作  
者法猶在衡泌詩人意幾多  
宜人竹樹稱雙清張處高秋靜意生我欲相  
將歐學士含毫一為賦其聲

夜雨

浙浙霏霏入夜連如絲如雪復如烟農家水  
碓舂秔稻園客鏡籬護菜田幾陣秋聲來枕  
畔一番寒意到窓前淮南陸憶灾餘處急雨  
淒風倍可憐

偶讀杜子美存歿口號因題

鄭虔畢曜吞聲久曹霸席謙有所思豈識劍  
川杜子美只今惟剩兩行詩

仇英畫馬

不知誰向車前識應有人從窓內窺乍憶黃  
沙紫塞外正當草淺獸肥時

秋仲丁祭日詣上書房

至聖前行禮

萬古生民首千秋祭典光攝儀專國學展禮



詣書堂言念承

宗社何曾致治康徘徊講筵側惟覺愧宮墻

秋祭

社稷壇

祈報遵先制度寅倍已增豐年振古慶

神貺信今承

直隸今年秋收豐稔何莫非明神之賜耶

祝史辭

無忝

帝觴露正凝燎烟霏起處晴旭恰東昇

題唐寅山水人物畫冊十幀

探梅

香雪叢中小立遲背携殘卷意何為前身應是楊无咎默識精神一譜之

騎牛

長松之下野溪濱牛背居然見若人吳趨解元多識去聲古不知為甯抑為陳

漁蓑

漁師緣底愛烟波笥裏魚租沽酒多萬事浮雲與流水一身雨笠更風蓑

林卧

寄傲何人此晝眠長林豐草性相便翛然無  
事歟然適莊蝶不教到夢邊

觀瀑

飛流無底上無天護以雲容縹緲間伯虎偶  
然臨墨沼青蓮重得對廬山

蘆艇

水淺無妨且泊之西風明月荻參差竄欣逸  
士詩中畫貌得郎中畫裏詩

秋砧

永巷楸梧漏月明長秋宮裏發秋聲不知班  
女拋紈扇彼此金風多少情

聽濤

落落疎松臨斷岫濤聲直與泉聲亂却如叔  
夜宿華亭黃緣傳得廣陵散

寒眺

何須繞樹歎無枝正是飛還鳥倦時獨倚寒  
林聊縱目遠山重疊夕陽遲

歸旅

覓宿鳥棲楓杻穩  
趨歸人恨路途長  
晉昌筆底饒禪偈  
為悟匆匆名利場

仲秋即景

禁樹靄秋烟  
宮花濯錦川  
行看端正月  
恰對沈寥天  
香遞皋塗種  
詩懷玉局仙  
西成稍慙志  
時節授衣連

文徵明山靜日長圖

淡墨疎皴真不真  
惟欣對處靜無塵  
草成玉

露有佳話韵寫停雲  
自主人溪水鎮如廣長  
舌澗松已作老龍鱗  
東坡寂是齊年者乃較  
區區百四句

子美集中凡可以入畫景者  
指不勝屈  
雖亟求其近似不能也  
因成斷句以自哂

無心得句皆成畫  
刻意求工豈是詩  
陶冶性靈聊復爾  
準繩今古寔於斯

宋瓷琴

御製詩集 卷三十四  
齟額恢恢太古器形模不假雷霄製易漆以  
陶豈無為我於重華窺其義諫者十人爭小  
事不如渭汭初所試焦尾斷紋渾可棄五絃  
七絃惟汝置元音澹泊從茲嗣譬如佞義面  
之粹况以內養無火氣

文徵明谿山深雪圖

山陰舟艤凍溪邊尚有泠泠瀑水懸此日料  
應王逸少倚窗停筆望江天

沈周盆菊圖即用其韻

圖中生面開秋意鎮相催籬下香盈把霜前  
酒當杯畫詩皆可入蜂蝶豈容猜展卷清吟

處重陽得得來

時中秋  
前二日

秋日翦園蔬賜大學士并內廷翰林等  
蔣溥為十蔬圖以進并系以詩因用  
其韻答之

植援拓圃驗生生玉莢紅芽雨後成湘篚不  
妨供下箸野苈聊藉樂吹笙

秋烟籬落靄斜暉分賜還教蝶伴飛藜藿應

須知此味膏粱底用羨他肥  
論宗樂志淡而竒味道端知甘勝飴譜創十  
蔬多別致豆棚瓠架入新詞  
空傳蒲蕙扇堯厨蔬穀從來勝玉珠文翰侍  
臣偏領畧幽風七月早成圖

中秋日侍

皇太后宴

纖雲不惹絳河灣萬里原同朗照間潤滿金  
盃臨月裊香飄丹桂向風攀信知佳景邀

慈豫奚待仙方駐好顏玉塞珠宮無近遠

去歲

侍宴於塞外

壽觴一例獻

南山

中秋即事

銅臺初下玉壺籤傾首長吟更仰瞻輪到中  
秋無限滿興惟此夕不期添影依雉尾纔銜  
關光裊麟毫乍入簾伊古誰曾來月窟紛傳  
玉兔與銀蟾

擬中秋帖子詞并令內廷翰林等和之

有序

金祗行政素吳司時蟬噪風秋臺上律  
披閭闔鵲飛月曙樓前鏡對蟬娟于時  
有象西成倉箱叶萬千之慶無邊佳景  
團園正三五之宵露滿芝盃鳩鵲高而  
玉繩低影氣澄蘭朶鴛鴦敞而丹桂飄  
香不須絃管吹開所喜篇章遞進宜春  
綵帖體反蘇家儻直金鑿詞懷韓氏爰  
成四什各賦七言

風月今宵非等閒等閒風月總須刪南極六  
星臨北闕西華一鏡掛東山

底緣覺得好風光桂影婆娑華黍香試想昨  
年蟾窟景一秋毫分不曾匡

閭闔節物驗嘉師圓餅雕瓜入好詩太液秋  
風激金穀不須重拓影娥池

璇霄珠露五雲樓可識春光也讓秋試創玉  
堂新事例擘牋催進月詞頭

漢玉牛

不箱而服犁而耕誰賦爾質玉人能丙吉問  
罷即肖飛尚疑望月年然鳴奏刀無懼於庖  
丁試看解角為犧牲汝獨樗也不和羨短尾  
秃速腹彭亨清泉白草心無營導食有術仙  
方成騎過函關一樣青

題文徵明松陰高士圖

松陰趺坐兩高人想見王裴心跡親常占青  
山為宅寄奚煩綠水滌纓塵手披圖畫聊同  
賞身被詩書未是貧問絹家風重鑒定

圖中有文

嘉鑒定真蹟

縹香墨瀋鎮如新

八月十七日登白塔山悅心殿理事餘

暇輒成近體用舊作韻

翫影留痕在碧空憑高秋色目堪窮綺疏暎  
日垂珠綴飛觀連雲曳綵虹灩灩玉河波始  
動灩灩金掌露方融悅心此日知消息都在  
西成茂對中

秋日承光殿

雲窓號閭風壁殿學蟾宮擬向姮娥問輪奐

是異同

古風披壽栝秋寔進仙桃  
玫瑰階思載厚黻宸  
惕居高

賦得太液秋風

秋容入液池水面得新詩  
始向蓮根漾徐從  
蘋末吹過橋低玉練度浦  
閃金漪魚躍疑迎  
爽舟行忽忘遲來兮更何  
自逝者乃如斯恍  
憶洞庭上微風葉脫時

仲秋瀛臺

風光澄碧宇秋意入新詞  
花木自為景山川  
亦識時紫烟浮曲榭白日  
颺遊絲鶴頤梳翎  
影魚吞在藻漪幾閒方適  
趣年有更勤思獨  
憶淮揚郡怍然心不怡

太液池泛舟

菰蒲蕭瑟颭秋烟玉竦橋  
邊偶放船俯數游  
鱗圓沼澈仰觀迴鴈朔風  
傳劇憐西吳清涼  
候勝讀南華十七篇物物  
義經真易簡天機  
豈待悟魚鳶



雨

晚荷收始畢宿麥布將齊勤動憐終歲庶纖  
喜一犁溜聲寒泠泠雲氣滄萋萋高閣遙傳  
漏吟懷觸處題

文徵明曲港歸舟圖用畫間題者韻

野艇不須收烟波任拍浮得詩緣即景適性  
且隨流

山泉雨後生飛下白雲橫留得匡廬意青蓮  
策杖行

憑欄聊極目灌木綠陰稠寄語披蓑者源中  
可放舟

山勢倏斷續雲容鎮滟浮漫嫌沙水淺且自  
泊孤舟

仲秋經筵

宿雨逗輕烟秋陽暘碧天文華開廣殿今日  
啟經筵濟濟駕班列彬彬玉案前研幾窮理  
窟味道晰言筌一意期無逸同心慶有年豈  
惟遵典制端以溯心傳

早菊

未至重陽節先看隱逸花  
隨時心匪競對爾  
意偏遐色借露華  
潤香分桂影斜  
主人羞五  
斗不肯報蜂衙

張宏松崖水閣圖

戶庭不出意如何  
消受烟雲供養多  
叟叟松  
風來澗口蘇門嘯  
蒼葛天歌

沈德潛給假葬親詩以餞之

我愛德潛德淳風  
挹古初從來稱晚達  
差未

負耽書方藉通元筆  
胡懸韋孟車其如感風  
木暫許返林間  
南國欣歸陸東門  
漫擬疏江  
鄉春興懶能不憶金除

御製詩初集卷之三十五

古今體五十首

丙寅七

歲在丙寅序行金昊有秋叶慶景物咸  
和敬稽

皇祖時曾舉瀛臺錫宴之典宗親咸與爰循  
舊制集王公宗室等於八月二十七  
日瀛臺宴賞用展周親因成三律

露色煙光靄禁垣昌辰嘉宴會親藩穀登萬  
寶真成瑞菊先重陽已泛樽拂檻蘂葱木有



本拍堤汪濺水宗源何須禮數拘酬酢同是

神堯膝上孫是日并召朕同行

雁齒紅橋玉影明壺天縱目儼蓬瀛拂招林

牖風光美負帶煙霞景物清笑語從容伯兮

州獻酌交錯弟於兄一堂敦睦家人吉却陋

山河帶礪盟

綺疏晴旭麗瞳矓樂事天倫和氣融徐進雕

槃瓜有饑鯨滋釦砌樹連叢情抒共許飛吟

管興洽偏思駐漏筩行葦歌成欣既醉高秋

樓閣霽春風

是日宴間復成六韻

秋煙靄顯空晴旭上宸楓情潤十年久朕御

年矣因循未得與近支昆弟羣從歡會今歡

殷一日中螽斯歌揖揖是日與宴者凡百人

五十餘皆皇祖燕喜樂融融乍可方觀

梓何須待翦桐銀潢無玉葉

祖德與

宗功

聖日高懸處承恩膝下同

我

皇祖時曾集大小臣工於瀛臺宴賞甚盛典也茲因西成豐稔百物蕃昌於八月二十八日賜宴公卿庶僚於瀛臺以昭繼繩宣豫之意得詩四首并示諸臣其欲賡韻者聽

趯陂鷓侶接鳴珂霽宇空澄氣色和共喜向筵開早菊多緣紀歲得嘉禾柏梁臺畔騰牋

集仙萼亭邊載筆過緬想

虞廷傳盛事颺言何以繼賡歌

鏡中樓閣五雲稠皎日揚輝素景浮湛露詩成天酒下慕蕭樂作徵招流曲江早獻千秋鑑梁國還登太液舟三世方明陪御賞大學士張

廷玉之父曾侍今與其子若雷共陪此會亦盛事也從教佳話冠螭頭

璇霄猶覩曉蟾娟濟濟冠裳擁慶煙丹粟香中陳桂醕玉山頽處酌瓊筵崇牙徐聽鈞天

奏高閣遙聞晝漏傳此日含毫多沈宋昆明  
漫數景龍年

龍葱雞樹翠華留相悅君臣共唱酬鎬上宴  
開惟卜書樓前酺賜正登秋在陰鳴鶴方靡  
爵樂溱遊魚不避鈎試問彬彬玉堂客瀛臺  
然否即瀛洲

秋日瀛臺集臣工宴賞既仿柏梁體聯  
句復召大臣及內廷翰林等三十八  
人用唐臣李嶠侍宴甘露殿詩為韻

依前歲翰苑故事朕成首什及末章  
羣臣以次分賦

蘭舟玉螭風珂馬金螯月今日秩威儀文筵  
盍簪笏

皇祖垂芳型元臣會華髮旨酒於以柔晚香  
猶未歇拈詩得李嶠成序懷王勃申咨山甫  
儔其何補袞闕

白藏昌百嘉西苑駐重牙翔鳳閣名馥香穗遊  
龍名舟捲浪花喜因歌黍稷政可問桑麻水影

含橋直山容入座斜杯浮漿是瀼盤進棗如  
瓜侍宴詩成處還看飛暖霞

賜宴後懋流杯亭集臣工四十五人聯

句用十一真韻

御載溯九經義肆筵百爾臣寡天懸朗日

瑞露湛清晨歲稔叨

天貺民康賴

聖仁冠裳欣濟濟臣張廷玉禮樂此彬彬在藻魚

心樂依松鶴意馴林英敷鈿砌臣福柳

影拂絲緡允矣光而大其如愚且諄座

中鳴玉珮臣陳世倌苑外襍朱輪既愜歌多

稔惟應祝大椿民風真樂愷臣史貽直物候

盡平均杞梓無遺用芻蕘亦並詢農祥

占上瑞臣劉於義

御禊事學春辰勝會方亭午佳辭論受辛許

扶靈壽杖大學士張廷玉福敏皆年逾古稀是日並許扶杖而行

容接綺羅袒

令典方逾甲芳筵再啟寅境開仙籞勝臣梁詩正

地與

禁垣鄰遠嶼明霞纈層欄曲徑循雜花憑點

綴臣王老樹鬱輪困葉墜黃飄袂泉飛

碧繞身鴈書天帛字臣彭維新魚織水紋紉

亭迥雲陰轟廊紆竹裏巡綠房低未折

臣阿敦朱實紵初勻萍斂纜通舫枝歌欲

碍巾菊芳杯共把臣汪由敦

御製蘭秀佩堪紉水態澄金練山容聳碧峴華

林底試馬

郊極已遊麟蕩蕩皇圖遠平平王道遵

豈惟榮李嶠臣蔣溥莫漫擬王珣高翥

翔鸞閣平飛畫鷁輪履豐歌有慶臣德齡錫福

被無垠似雨懸淙急如螺列嶂皴卿雲

歌縵縵臣歸宣光螽羽願詵詵淞漑趨瑤嶼

沿洄達玉滑履隨百辟列臣塞爾赫策紀萬

祥溱麟弄惟同楹琴材不棄檣開筵迎

綺旭臣彭樹葵

御製縱目向蒼旻進退多魚雅威儀更秩旼何



須三爵限

行看萬方臻紆綬多黎獻彈冠到隱淪

遶亭泉漉漉臣鄧鍾岳依樹石粼粼寶篆噴

蘭麝祥煙擁枳板惟應戴高厚臣陳惠華何

以迪忱恂跨遠吟蒼枯吹香起白蘋踈

荷侵鏡面臣王會汾細草藉船唇直到星辰

上疑浮渤澥濱藤緣依石瘦臣錢陳羣葵喜

向陽新郅治符清宴良材盡選掄百僚

欽穆穆臣涂逢震

御製羣彥會閭閻何異登瀛島空傳會玉津聞

泉太古樂

相馬九方歎殿角雲凝紫簾鈎月掛銀

颭風旗灼爍臣介福曜日隊珍璘舜樂還

堯酒金聲復玉振寒芬岩補隙臣張若靄滯

穗苑餘畛野鳥隨仙棹風烏飭禁闈拜

稽寬禮數臣沈德潛觴詠率天真授簡紛抽

祕

飛豪捷有神洪源探溟滓臣孫嘉淦遠派導峨岷

妙挹羣言液傳觀衆目眴

恩波流曲水臣梅

御製和樂燕嘉賓石罇飛瓊沫蓮根葺錦鱗蘭

亭思筆健

興慶陋時屯幸被

榮光渥均叨大冶甄登仙壺共嶠臣雷樂

聖笑無嘖水濺賡珠玉颺迴戛籟籥和遲窮

窈渺臣嵩韻窘屢逡巡研啟端溪鶴毫

濡東郭魏剡藤牋膩粉臣劉華井藕雕

璉索筆憑書柿和羹試采萼琳瑯

天府閔臣徐礪砢上林珍香氣霏蘭茝清音

殷鼓錡三山應不遠臣嵇

御製一鏡宛平陳樂歲真堪樂塵心豈復塵歡

言歌既醉

風物信含淳地近長依日風和別盡春

周遭欄是畫臣裘高下砌皆珉塔遠掛

霄漢湍奔激殷麟垂虹分水鑑臣鄒飛

瀑耀天紳信有凌雲意而非玩物倫葭

行集言不集  
卷三十五  
九

臣吳

莎碧淺昉昉狎浪鷗眠

穩盤空鷹眼瞬界寬呈爽豁

臣于

機靜

悟淵齋靈鷲苔紋篆文禽錦翼伸臨流

襟抱淨

臣陳邦彥

御對席笑言親馥馥淮山桂琅玕淇澳筠來

遊重伴奘

振雅郁璘斌筆戰榮今席冰嬉記昔因

雕華承

寵錫

臣董邦達

溫綉聽重申靈囿原同樂衢樽况飲醇丹鉛

緗帙麗

臣張泰開

綵絲純魴貫枝板柳

鮮分篚織篔華墀陳纍纍

臣德保

瑣闥捧

竣竣前歲新瀛署

殊恩迨吉人

典緣優作楫

臣蔡新

意乃錯翹薪幸際豐亨會

重叨燕樂頻攝衣攀玉磴

臣周長發

御垂餌曳銀綸苑令供秋棗伶官奏夏鈞周

行誰示我

嘉樂自宜民瑞霭凝

雙闕甘膏遍八寅來儀聲噦噦臣陳兆崙於牝尾

莘莘為想涇舟楫言瞻旱麓榛

鴻猷隆紹述臣朱堇樸俗樂任侁高宴應追漢

仙源詎數秦優俳嗤彼朔臣程景伊詰屈愧

臣姓

萬壽連佳節重陽近浹旬秋行方皜皜臣金姓

陽氣更礧礧紀盛輝金管承

恩仰紫宸賡颺今復覩臣朱佩蓮

御製喜起叶吹豳

惇叙殿柏梁體聯句

御製筵開惇叙欣同堂

顯承

祖烈宣重光臣和碩巴爾圖於赫

放勳示典常臣和碩允禔惟

聖時憲邁陶唐臣和碩允禛

重熙累洽符成康臣多羅慎郡敢如公旦陳不

覆臣和碩誠親紹庭肯構敬日強臣和碩

弘書時享

太室懷秋霜

和碩果親

樂具入奏陳羶薌

皇長

子臣

倣思降嘏福穰穰

皇三子

君為臣

永璋

綱父子綱

皇四子

序親協族覃德洋

和碩

顯親王

時維八月屆白歲

和碩怡親

瑞

凝仙掌零露瀼

和碩裕親

穀登萬寶真

吉祥

和碩恒親

詔賜家宴宴宗潢

多羅信郡

歡生棟萼與雁

行

多羅平郡

不須趨駕來從梁

多羅順

臣泰安斐

屏翰之寄愧莫當

多羅溥郡以

奠磐石成金湯

多羅理郡

於萬斯年景

祚長

多羅寧郡

樂善願效東平蒼

多羅

王臣

認厠五等心徊徨

多羅貝勒

吉日

庚寅時維良

多羅貝勒

温暾朝旭上扶

桑

多羅貝勒

曉蟾留影光微茫

固山貝

景

金根迤邐下闔閭

固山貝子

西苑迥

匝圍紅墻

鎮國公

途閣雲蔓繚迴廊

輔國

公臣

廣廡窳窳連曲房

輔國

映祀菊

英絃冷芳

輔國公臣 伊爾登

垂垂金粟西吳粮

輔國公臣 塞爾臣

坡有蘭茝吐有葛

輔國公臣 九如秋

風太液困汪洸

輔國公臣 恒祿

爽澄瑤嶼奏微

輔國公臣 崧椿

鳶飛魚躍水雲鄉

輔國公臣 永敬 金

鰲橋畔飛仙舳

輔國公臣 永瑞

樓船挨舵擢歌

輔國公臣 逢人

朱簾繡柱其鵠黃

輔國公臣 吉存 彼

岸不湏一葦杭

輔國公臣 誠寶

園名豐澤塏向

陽輔國公臣 興寧迎

鑿雀躍瞻龍章

輔國公臣 斗保 徐隨

天步染御香

鎮國將軍 臣 弘 昂

瑞雲蔽擁

龍衮裳

都統 兼散秩 大臣 臣 弘 暄

伯對晁弟躋蹌蹌

奉國將軍

泰 臣 弘

斯皇朱芾珩有瑒

應封宗室 臣 弘 寧

觚稜

鳩鵲輝晶芒

應封宗室 臣 弘 富

慶雲五色籠楣

亲

應封宗室 臣 弘 甸

肆筵授几

黻座旁

應封宗室 臣 弘 融

方祝三奏鐘鼓隍

侍衛宗室 臣 弘

映

填麓相和鳴丁璫

侍衛宗室 臣 弘 哈

鼓我舞

我虞趙趙

侍衛宗室 臣 弘 响

戛彼雲和彈八琅

侍衛宗室 臣 弘 炯

引商刻羽低復昂

侍衛宗室 臣 弘 囑

聽音非聽其鏗鏘宗室臣大官九醞富

酒漿宗室臣六清醢醢醢醢宗室臣

君子有酒酌言嘗奉國將軍盤擘麟脯設菰梁嗤彼酤

我語過狂奉恩將軍載精瓊糜以為粳應封宗室

招搖之桂南夷薑應封宗室飴餒餽應封宗室

錫饗餽應封宗室嘉魚麗留鱒鯉魴應封宗室

敦彼行葦戒牛羊應封宗室醉酒飽德歡敦

弓四鍬厥禮詳應封宗室醉酒飽德歡敦

無央應封宗室上方織貝承以筐應封宗室

萬年觴應封宗室如山如阜復如岡應封宗室

恬綿禧延祚歌有慶應封宗室俾熾而

昌壽而臧侍衛宗室天家盛事垂無疆

爰笑爰語近

御床侍衛宗室二曹八荀奚數量侍衛宗室

鶴鴿成頌笑三郎侍衛宗室樓輝花萼

僅五王侍衛宗室視茲鸞鳩槍榆枋侍衛

宗室臣 敦睦篤叙

聖澤滂宗室臣 瞻彼洛矣水泱泱宗室臣 天

地明察神明彰宗室臣 太和遐邇將儀

凰宗室臣 潛魚頡而飛鳥旻宗室臣 惠

鮮懷保民胥匡宗室臣 家有稔穗千萬

箱宗室臣 歲登三鬴充困倉宗室臣 展

親宴衍以倡佯宗室臣 於胥樂子和而

莊宗室臣 自今家法始我

皇宗室臣 載飛

天藻雲龍翔宗室臣 追琢其章金玉相宗室臣

敷元音不約宮與商宗室臣 振振公族

胥賡颺宗室臣 迫窘詰曲慚東方宗室臣

瑋雍容玉砌陪珪璋宗室臣 同姓五十

聯珩璜宗室臣 遠軼姬周增輝煌宗室臣

異數得與悅以慷宗室臣 和樂且耽樂無荒

宗室臣 中心歲之何日忘宗室臣 願矢

維城勉匡襄宗室臣 昭明有融斐令望



宗室臣 教忠教孝奚酬償宗室臣 永玠宗室臣 本支

百世萬葉昌宗室臣 綿慶

重陽前五日作

香山早訂登高約御苑黃華復放馨况是去

年詩未賦還教朔塞意為停去年塞外行園有重陽無菊之

作潤餘芳愛擎珠顆態窈幽看標鶴翎那更

無言記時日前題歷歷數曾經

香山對月時九月

對月窈宜秋此言良不易已去三之二流光

迅過隙雲卧有夙志月宿乃今昔是境復是

時誠哉不易獲縱未滿尖角已自懸半壁清

光不可捫峭冷誰能迫山靜鶴聲暢風定泉

影白松竹無改節亦復銀雲碧妙叅無色天

安得心神役

沈德潛為其父請封陳親遺訓聲淚俱

下此所謂終身之慕乎甚嘉憫焉從

其請而賜之句

書笈舊行衰逝將返故鄉成名髮驚白錫類

行樂詩不集 卷三十一  
詔騰黃奚用悲寥落應知遂顯揚斧邱陳莫  
處不愧教忠堂

題曾夔音仿曾知白雪景

知白信知白今曾摹古曾筆端銀世界詩裏  
玉波濤瀑水聲偏弱喬松勢越豪党家都不  
管兀自醉羊羔

絢秋林為香山二十八景之一深秋縱  
目紫翠萬狀因悟杜甫絕壁過雲之  
句非身歷其境者不能得也

後勁金行信不虛試看霞綺纈林廬設無警  
句詩難稱便有名工畫豈如颯沓風中人度  
語樛椽煙外雁成書谷神三命應無忝赤黻  
葱衡振紫裾

重陽日奉

皇太后香山登高

名山初試菊花筵

香山雖常臨幸而九日  
登高則自今歲始之九

日登高古所傳扶

輦不知霜巘迥捧觴剛似夜珠圓丹青勝處

禽銜翠紫碧堆中鹿叫煙智者樂兼仁者壽  
長承

慈豫萬斯年

香山登高之作

帝都形勝地屏障惟西山香山尤特出雲峯  
爭鬱盤適當三秋序萬壑紛青丹珠玉灑絕  
壁錦繡排橫巒呦呦鹿過澗栩栩蝶抱蘭我  
來亦云屢此景曾罕觀登高古所云捨此於  
何焉額手慶西成縱目攬全燕莫囊與菊酒

例事都可刪大易數紀九所重在體乾宇內  
孰最高君位實次天以予渺渺德重任奚仔  
肩高以下為基人以情為田觸景有會心匪  
止吟詩篇

過蘆溝橋

薄霧輕霜湊凜秋行旌復此度蘆溝感深風  
木暎逾歲望切

鼎湖魏易州曉月蒼涼誰逸句渾流縈帶自  
滄洲西成景象今年好又見芄芄滿綠疇

良鄉塔

穹窿率堵夕陽間高入天風勢莫攀建此何  
年多寶塔對他終古懋題山石經云一名懋  
題山去縣城三  
里拈來過客方成句定後高僧正閉關幾度  
望中頻結念香臺安得伴雲閒

柳

山村看掩映驛路辨微茫向晚煙猶重當秋  
色漸黃餘陰利行旅即景驗年光幾度房山  
路垂絲爾許長

瓊廬

塞北燕南惟所如坐來吾亦愛吾廬不愁白  
露侵黃幔每引青山入碧疏持偈寧殊十笏  
地吟詩可命四宜居端知茅土風猶在何必  
靈光詡植藻

秋夜聞雁

雲間寥亮數聲傳此去衡陽路幾千武帳清  
吟春夕句銀檠彷彿照前年前歲易州道中  
有春夕聞雁之  
作

聞聲知雁不關聲樂括舊作句意玉露銀蟾夜正清  
擬向天邊人字問年來何事重多情  
眇來千里荆天暖帶去三分塞地霜可識瀟  
湘煙浦外沙明水碧正蒼涼

併菊

霜標冀北獨秀韻挹籬東致佳携得重陽景  
色絕勝客歲情懷  
瀟灑詩情畫意芳菲秋末霜初花雨不霏繩  
榻香風常透帷車

拒馬河

蘆荻莽孤煙鷗鳧集寒渚竹箭退秋深沙痕  
露遠嶼舟師底用呼浮橋舒燕羽俯瞰激湍  
波仰頰空澄宇橋上往來人秋懷夫幾許  
石門店示直隸總督那蘓圖并隨駕地

方官

負山以為郭環之清淺流田家無背勢取次  
成村隊東隣復西舍豆架更瓜疇工圃飽於  
茹學稼斲有收是時諸務畢賽社推肥牛築

場地鮮隙比戶人無愁莫知苗碩輩亦道今  
逢秋熙熙胥樂康歷覽豁雙眸吁此石門店  
往者數經由黃塵暗遠天春旱鎖眉頭白水  
積低田秋霖切已憂此景曾幾見額感大造  
庥隨行封疆臣給事千石儔來來聽余言繫  
予有後謀耕九而餘三屢豐毋或偷既富曰  
教之吾聞諸前修催科幸未加今歲普免休  
直隸正賦休  
養尚應籌否泰况循環持盈可懈不與我共  
此者舍汝其誰求後樂縱不無先憂豈有休

九月十四日恭謁

泰陵

奠桂當茲日攀

龍憶昔年幾經寒暑易常入夢魂牽

大德自終古深恩永八埏

山陵雲霧閟冠劍日星懸秋氣增蕭索悲懷  
隱結纏驅車還復去回首淚潛然

恭謁

泰陵禮畢奉

皇太后便道詣五臺瞻禮曼殊易州道中得  
詩二十八韻

翠憶別

丹陵行旌指綠塍載觀方稔歲常奉

大安乘臺簾香嚴域

神堯法駕昇祝釐誠有藉紹德理原應稍度

西成序書平秩西成以殷仲秋成猶然爽氣澄陟山還破

霧間渡不愁冰紅樹村宛爾清風店絕勝清風

店易州地名州古來燕趙地故事短長徵樊館餘荒

址州南二里許荆山倚碧嶂即荆軻羸秦徒

割據豪俠此陵憑臺有黃金號燕昭王築黃金臺在易州

之東屏猶積翠稱吟臺在積翠屏下相傳招

延殊可尚長樂寂堪憎歷歷興亡事行行感

慨增六龍驅沛艾八輦鞦韆健士盤神馬

材官按俊鷹繖張紅日障旗曳紫雲騰郭外

聞春碓溪邊看結罾築場全少隙比櫛不論

層要識舒長樂多緣黍稌登降康

天有自致瑞我何能時豫因修武懷深敢忘

兢土臣朝肆覲書案夜親凭飛白聊娛暇批  
黃每繼燈狩巡五年舉休助萬民承勤政傳  
家法延禧命梵僧詎惟遵象教端以緝  
徽興指日臨三晉神霄躡幾棱方輿應有志  
繼

武孝孫曾

荆軻山

白雲紅葉遮橫巒策騎忽過荆軻山燕南自  
古多義俠至今遺蹟猶班班秦久矣失其

鹿何須怒臂誇燕丹吁嗟世多耳食流傳聞  
傳會葬衣冠持短入長空有術投鼠忌器垂  
大閑由來尺八不足恃竹水匿跡餘悲歎秋  
風九月拂征鞍想像蕭蕭易水寒當時壯士  
不復返安得若斧留山巔徒令千秋弔古人  
恨不終從鞠武言

月

晚雲歛易山秋風蕩冀野輪匡剗就圓滿意  
清光寫霜林影蕭疎寒砧聲上下瓊廬冰

去聲



紙窓幽韻殊堪把翻書逃脉望就枕遲宜樹  
竭爾憶去年蘭缸復微炮

四賢祠

州南易水荀祀郭  
隗樂毅劇辛鄒衍

漫論渭濁與涇清三代斯民直道行古屋西  
風半頽落至今猶識四賢名

四子翩翩今大夫要皆能自立之徒比鄰尚  
有昭王廟想見當時一德孚

黃金臺用沈德潛韻

都城定興安肅易州皆載有金臺德潛

詩日照薊門淡亦指都城者言之然李

善引上谷郡圖經云臺在易水東南十

八里則易州似有據或者當時昭王延

訪心切置金於臺原不一其處也

堪尚白駒意黃金到處臺拔茅茹以彙市骨  
駿應來易水尋流渡秋雲為客開伊人題句

後誰復闢詩才

鄉民有進萬壽菊者命張若靄圖之

金蕾層還疊緗英淺復深菊同衰露秀葵比

向陽心繪事閒中賞民情靜裏尋臺懷重翠  
處還擬命摹臨

咏菘

安肅民風多學圃灌園種得滿畦菘嘉生尚  
剩霜前色活計原同秋後豐至味儘堪資玉  
食閱情還與命詩筒綠蕞翠甲渾如畫風趣  
周顥想像中

木蘭祠 在完縣城東

克敵垂成不受勲凜然巾幗是將軍一般過

客留吟句絕勝錢塘蘓小墳

唐縣懷古

勲華千古帝之師古縣西東各設祠 帝堯廟在縣治

儒學東帝舜廟在縣治西北治法惟應歎魏蕩心傳誰果

辨微危百王以後常增愧二典當前豈有奇  
滾水秋風無限思六驄欲度更遲遲

唐縣老民劉永壽年百有一歲接駕道  
左行不扶杖賜之金與食以示養老

之意

睥睨中山古郡城征鞭暖拂杪秋晴趨迎道  
左吾之子萬億人中汝是兄聲亮耳聰鍾氣  
粹蒼眉黃髮稱耆英應緣獨得羅喬術宋喬同與  
羅道成偕隱於縣之西山年八十餘靈壽無益壯後傳聞仙去至今名為羅喬山

須此地行  
柏巖山 在唐縣古柏數百株有賈島洞

詩裏清新賈浪仙柏巖巖洞以人傳三年兩  
句吟安者數息依稀此樹邊賈島獨行潭底影數息樹邊身

始得見日注

雨

虎帳華檠夜未分瀟瀟忽自枕旁聞昨來馬

耳迂蘭路早見峰頭罩絮雲唐縣馬耳山相傳峯頂出雲即

雨其言聲籟靜參銀瑟戛色形懸擬玉絲焚

輕輿度處芄芄膏去聲便少霑濡意亦欣

王陵城

跋馬路漫漫霜林葉已丹猶然此巖壑曾見  
漢衣冠少慙君言信知興母節難霸圖劉項  
息野水自寒灘

觸目

觸目成詩景山幽水復清末由拋底句聊以  
記行程井町菁芽熟村帘酒價輕滌場應少  
暇還聽叱牛聲

曲陽縣望水竇巖

水竇聞清宵雲中望莫真靜叅聲聒耳遠想

境澄神駐輦思金帝金章帝有水竇巖漱玉亭詩磨崖憶

宋臣山坡石上勒蘓軾浮休不二偈可以

悟根塵

阜平縣恭依

皇祖元韻

秋老染紅梨霜穉餘綠杞郭郭仍古郡欽崎  
倚峻址停轡驗民風淳樸喜不俚頗知習詩  
書亦復勤耕耔當時苦井稅灌田乏活水  
皇祖詔寬輸勤民恤勞止逮此六十年疲俗  
日以起西巡際時和前車驅記里翹首仰  
前猷何能繼休羨黔黎愛戴同彌切慙與喜  
深荷

祖澤貽瘠土成城市朝夕勉惕乾願思保泰  
理

晴

絮雲歸岫放新晴磴道縈紆緩轡行風月從  
來無盡歲山川到處解逢迎北溪水入南溪  
漲上界鐘傳下界聲朱鳥溫暾剛送暖邇來  
何太趁人情

野墅

野墅平蕪落照間小橋幾曲水潺湲即看比

戶無饑色不覺憑輿動喜顏箬笠牧童寒篔  
遠釵梁村婦晚花殷尋常俚語還堪聽租賦  
無供豐歲閒

御製詩初集卷之三十六

古今體七十一首

丙寅八

三箭山

龍泉關側崇崖竦峙康熙二十二年我  
 聖祖經此勒馬而射連飛三矢直逾岩頂居  
 民遂呼其處為三箭山經過其下仰維  
 揚之

烈蹟切如在之溯思不愧無文因成有述

柔弓長箭夙曾聞

柔弓長箭快馬輕刀  
我國朝夙擅長技也拔萃



待集詩初集 卷三十一  
多能

聖出羣

神武真堪軼貞觀天山那更數將軍從容望  
月烏號引想像秋風赤羽分幾度停鞭層巘  
側

當年威烈尚凌雲

龍泉關恭依

皇祖元韻

雲關臨木杪石壁矗秋空據勝三邊接銷烽

九塞同寒遲莎坂綠旭放堞樓紅花雨霏天  
外清涼指顧中

積素

積素遞晨寒寥空留曉月雞號埒上霜漸礙  
溪邊笈鐘聲古寺傳炊煙茅店發光景堪攬  
結雲嵐倏出沒殘夢誰復續閒情於以越得  
句讓坡仙拈鬚興無歇

度龍泉關山西省諸臣來接

西巡臨九月肆覲接羣工圭璧雖無輯量衡

德華不言集 卷三十六  
應有同豫遊遵夏諺蟋蟀驗唐風疾苦閭閻  
切休徒頌屢豐

自長城嶺至臺懷恭依

皇祖元韻

五臺夙所企結念禮文殊行將至香界先此  
躡雲衢秋色駐楓嶺霜華霏樹途來來就日  
民雜沓聲懽呼峰矗村前髻泉鳴澗底竽閭  
井西成佳對此頗自娛撫衆意彌欽繩  
武念更紆十年縱小康豈足言區區清涼信

清涼宜為佛所都天花上下雨梵雲朝暮圖  
延禧祝

慈寧端資法潤濡時巡藉講武

皇祖有鴻模申命僕御臣此行其可無

射虎川

遵長城嶺而西絕壁嵌丹灌叢纈綠我  
皇祖西巡時射虎處也神武泉在其旁因成  
是什用志景欽

藪莽荒榛霽靄凝川經射虎仰



威稜孫權却笑為車怯李廣徒聞沒石能詎  
是雄矜一夫勇由来

聖有百靈憑何人政致於菟避到處農桑信  
可徵

五臺舊聞多虎今則墾  
田藝植猛獸避跡矣

即事

遠峯積雪玉為屏近障開雲髻  
巖青應是著閣域相望不教形色擅山靈

娑羅樹恭依

皇祖元韻

樹聞如意隨求得

梵云噶爾布喇瓦喇斯此  
云如意樹即娑羅樹也

梵典曾標鹿苑植層層幢節古佛前  
碧眼番僧來尚識東土西天豈定形  
飛來靈鷲干雲

青安知此樹不憶石因風作語猶泠泠  
七葉

龍葱湘蓋偃縱移根越千年遠益部  
楚州疑

附會那覩月木依雲巘

娑羅花佛日盛開每  
朵十二瓣遇閏輒多

一辦故云月  
木見雲南志如栝影團團雪覆霜凝翠

鬱盤不殊調御丈夫倚

用湏槃  
經事

曾沐

曼殊師利看

烏斯藏進表皆稱曼殊師利大  
皇帝曼殊是佛妙觀察智更切

音與滿洲二字相近故云

清涼山恭依

皇祖元韻

橋渡西巡仰

聖蹤西巡橋在寶塔縣前康熙二十二年因乘輿臨幸故名崇崖仍

舊壘

堯松隔巖未見雪中寺應谷先聞雲外鐘敢

覓新題清詠別惟應

元韻敬依重五臺諸勝一依作元韻不敢稍有增益也皇祖舊山

靈有問如何答再過還期叩碧峯

五臺山天花詩恭依

皇祖元韻

仙菌多盤古柏青金幢玉節倚雲屏山僧兩

後鋤懸壁飯佐胡麻萬慮寧

北臺眺望恭依

皇祖元韻

此地誠初地花宮切昊宮攀梯九天半駐罕

五雲中夙道夏猶冷今來冰却融北臺為五臺最高處

往集不言不集  
咸謂積雪經夏不消仲秋即絕人來往茲已  
立冬候而天氣暄和山迳雪融泥濘人言豈  
可盡禪關最高處放眼豁心蓬

信耶  
昨向雲中望今從雲外躋  
瞰餘三晉小憑處  
萬峰低化國多神跡雕楹煥

寶題

勲華是峰並不敢道思齊

望海峰恭依

皇祖元韻

天半瞻蘭若鐘聲發上方只疑查到漢空說

海生桑積雪山皴白經霜葉染黃

聖蹤餘想像雲際辨微茫

望海峯在東臺是日壯臺望見而未

至

靈鷲峯文殊寺恭依

皇祖元韻

靈鷲標乾竺飛來無近遙  
穹窿開梵宇左右  
列僧寮葆羽峰頭駐  
天花雲外飄從臣傳

往烈指點話崇樹

殊像寺恭依

皇祖元韻

跨猊自何至駐此象龍筵乍覩無殊像堪明  
不二禪神光燭空際柏子落階前那用登層  
頂憑臨意豁然

顯通寺恭依

皇祖元韻

窳堵入雲重高盤靈鷲峰無先梵網域最古  
化人蹤是寺創自漢明帝蓋佛法始入嵐影  
中國時震旦祇園此為最古  
交窻翠松陰入座濃歸輿凹外轉猶聽隔林

鐘

迴鑿即事

時巡繩

武閔金穰臺麓延緣禮法王最愛唐風猶近  
古時從好樂戒無荒

祝釐迴奉

大安車空裏篋篋度嶺斜應是文殊送歸轡

故教隨路散天花是日雪

天公玉戲變暄寒迤邐銀衢碾翠鑿迴望五

臺霄漢上虛無真作化城觀

迴鑾至鎮海寺積雪在林凹峯露寺天

然畫意因命張若靄寫之

藍田生玉有波濤古榦拏龍染鬣髦好是天

公傳粉本從教呵凍一揮毫

路遙昨過禪虛叩泥濘今來礪未登多謝山

靈不相恪却將全體露銀稜

煨芋煙霏香積厨山僧消受合清臞詩禪契

處叅形色不可圖中如是圖

長城嶺雪霽

祇域林遊遍雄關轡返初看峯真積玉度嶺

似凌虛松翠張圓蓋溪澌響佩琚茶煙颺僧

舍酒望颭村廬風俗分燕晉馳驅戒旅胥農

祥多黍稌水利仿溝渠是處有引水灌田者臺麓迴眸

遠雲端結念紆不教吟興盡佳處每留餘

暖

嶺復更巖重暄和迥異冬暖披綿襖日寒勒

翠微峯村落尋常靜吟哦次第供天工人與

限綠樹入關逢

阜平縣

朝過阜平縣霜華散輕寒宴溫朱鳥暉依微  
墟里煙一老蹠道左皤皤實可憐將欲賜之  
金匍匐前致言謂駕由此過首被皇恩旋豈  
敢重受賜不知止足焉吁此迎鑿人奚啻萬  
與千得隴還望蜀尚且增其年朕下詔賞賚  
老民視年之  
大小以別賞之輕重故多增其年歲以邀厚  
賜其云百歲及九十者率皆七八十歲之人  
然亦不與  
之較也等差寧過優誰惜此芟芟是老獨

異恒可謂耆而賢十室有忠信吾聞諸文宣  
亟命重賞之教汝曾與元淳風在閭閻對此  
一忻然

秋麥

燕南洛北風相近貽我來牟物土宜氣伏三  
冬先吐甲綠連千畝已銜滋每添鑿輅憑觀  
喜肯使龍驤恣意馳騰雪春霖知協否一年  
曾幾放懷時

箕山四首

蘭衢翹首望雲樹小隱與予論古遥一任棄  
瓢還洗耳巍巍蕩蕩總歸堯

蒼煙淡靄古溪頭父老猶然說飲牛自是耦  
耕有沮溺那無長往讓巢由

桑田海水幾迴更此地千秋識遯亨避世不  
緣逢對世伯夷難擅聖之清

行唐迤邐度箕山問答碑前夕照殷巢許有  
知應抱恨孤踪何自譟人間

### 真定隆興寺禮大佛

真定大佛夙所聞調御丈夫天人尊禮遍文

殊不見法適從五臺便道因之一入門世尊

殊在門外立乃曰文殊何不入門來文殊曰我不見一法在門外何以教我入門

權城在縣北二十里古捷鄉也南望巨堦堦香閣佛香閣即大佛

殿題遙見高橫雲龍騰故苑尋霸業

燕慕容熙所建龍騰苑即此隋改為廟獅吼初地禮法輪繚垣

拓落據壇址佛樓穹窿切迥旻曲廊延袤下

無地豐碑插笏何紛紜豈能一一辨氏代開

皇開寶依稀分吉祥雲裏瞻相好五髻千臂

懸星辰金容滿月白毫彩莊嚴具足威且神  
其高丈六復丈六有如量頂無邊身無邊身菩薩將

竹杖量世尊頂丈六了又丈六量到梵天亦不見世尊頂乃說偈云若有能量者窮劫不

盡可 我聞燈空泯邊際孰非佛相徒是云須彌

非大芥非小目迷五色心猶塵隋創唐修成

往蹟墨胎今尚傳將軍寺有鄂國公重修碑

有泥塑敬德像後周闢異意本吝鑄泉豈復今猶存

周世宗毀此像以供泉府之用宋祖重造稱功德悉檀未識

六度真檀捨也佛無不捨豈惜一軀哉閣黎荒唐詎宜信銅

出智井傳俗論俗傳造是像時寺後佞則不

可毀何必搽戈聚頌難具陳憑欄聊且縱遠

目小陽景物方如春

閱濤沱河隄工

徒駭舊津谷其流無定所源出大戲山在西

時經此達直沽頻年漸圯徒行恐侵村墅曾

允方伯請建隄資捍禦乾隆九年允高斌奏建魚鱗隄並挑水壩

臺懷返六轡便道戾茲土混流迤郊南延緣

勢一觀芟葑積崇崇魚鱗排齟齬防險常若



斯何慮波臣鼓更喜沙痕漲俯視成洲渚禹  
行縱未能潘治不無補明潘季馴治河最善高斌常敬服之蒼

煙淡靄間極目稍延佇波寒魚在潛菽老鴻  
辭淑策鞭可亂流無待冰合浦誰能麥飯亭

真偽勞稽古光武渡河蓋在深澤饒陽間唐宋以來凡渡滹沱者無不舉光

武事此處亦有麥飯亭蓋附會耳所幸奏底績萬戶慶寧處

### 登真定廣惠寺多寶塔

祇園尊勝亦雄哉拾級真登七寶臺雲霓層  
梯供攬結隋唐勝蹟許徘徊是寺與隆興寺同建於隋而修

於唐有寺碑可據帶形滹水半灣合畫景恒山一幘

開望遠憑高每有意堵波獅象記初來

### 真定行宮晚坐時孟冬五日

別館花宮側軒齋閱歲年行宮建於康熙五十二年隆興寺

右晚芳生意趣古榦靜因緣新月纔堪對清

宵劇可憐朦朧香閣影空色悟初禪

### 雪浪石用蘓東坡韻

杜老白帝傲東屯蘓翁稍幸斯州尊從來詩  
人半窮困未必天道迷昭昏孤踪飄泊豈有

定官居尚憶懸水村坡詩云官居獨在懸水村我從便道

尋古蹟策馬定武循城門衙齋左側醉仙在

無須玉局重招魂立來應已閱桑海移時想

復動雲根峰皴似助吟咏勢苔斑猶漬摩挲

痕當時勝倅投意氣東坡是詩乃和滕大夫韻也滕名興公為定武

倅掀髯把酒相評論何人好事惜廢墮覆之

以亭承以盆却憶晴窓哦日課向在書齋曾咏此題今刻

樂善堂雪浪早入予思存全集中

疊前韻

周廬衛士干牛屯雲依星拱黃屋尊郡城南

望據勝勢節侯東壁方中昏納稼逢年慰予

志崇墉比櫛看村村省方餘暇討輿誌衆春

園首尋松門韓琦衆春園亦在定州城內康熙四十年州牧韓逢麻移雪

浪石置園內前建有韓琦蘓軾祠並軾書雪浪齋碑韓蘓卓犖

宋偉器葆祠相望慰精魂百花池畔在園笠

亭下亭亭桀豎如生根異代何幸遭

睿賞

宸章煥注屋漏痕海上三山却可擬淮中一

品安足論坡翁筆力健扛鼎坐令先生丈八  
盆盆上刻銘係從來正人顯後世撫玩之餘  
鑒戒存

命張若靄圖雪浪石再疊前韻

造物精氣視所屯石中巨擘雪浪尊巍然曾  
見宋冠帶介爾不受世朝昏沃之以水跳珠  
沫翠影彷彿沆花村曾聞此語半疑信惜哉  
未訪荒園門寫真無慮道士醉醉裏越得傳  
神魂詞臣頗善米家畫渲染爰命探天根壁

張欲出雲煙氣燭照曾無筆墨痕兩孫絕技

亦已擅興來擬喚髯翁論

石盆上刻坡銘云  
畫水之變蜀兩孫

與不傳者歸九原注云蜀  
孫位孫知微善畫活水平

此翁詩句豈易和

如繼陽春以叩盆前言未足更疊韻仇池事

例今聊存

一題而數疊元韻惟坡擅此  
長尤以仇池石詩為最云

定州覽古

逸邇中山境林端夕照紅逢秋農有慶閱古  
興無窮事業韓彪炳文章蘓矯雄千秋遺矩  
在明月與清風

二村名在縣南  
北各三十里

蓮池書院

西巡返翠罕東道駐樊輿蓮池舊名蹟停轡  
 覽斯須閒齋十笏強小園五畝餘建插引盧  
 水滙為明鏡湖俯欄有遊鱗護波來飛鳧不  
 謂城市中而與林泉俱吟咏息冠蓋絃誦聚  
 生徒必有取義耳詎惟玩物乎茂叔標淨植  
 所愛寄芙蕖晦翁創白鹿覺牖垂芳模瞻彼  
 萬卷樓在府治內元賈輔建延郝經居之守此一經鋤一經  
 苟或通萬卷理不殊勗哉佔畢流學為君子

儒

賜直隸總督那蘓圖

濔水松山六御臨觀豐稍覺慰予心王畿千  
 里民惟止保障一方汝尚欽要識  
 天庥承慶幸應須農事靜中尋連勝二麥芄  
 芄綠漫使馳驅恣羽林

雪擬蘓軾聚星堂體兼用其韻

蘓辭遭遇多枝葉倒網禁體先犯雪起舞浮  
 白意匠殊縱橫驅用堪叫絕

聚星堂體本類  
州禁體語考

廬陵集玉月梨梅練絮白舞鷺鶴銀等勿許用坡詩有起舞浮白字蓋字雖犯而意不同此坡老見長處至雪字應在元冥恰喜交初禁例而用之未免倒綱矣

節時甫交過水真如遇方折平原幕歷寒颼

逼長空晝靄暮光滅旌門鏡吹雲璈奏幔城

漏響金魚掣徘徊中夜聽拉瑟行藥燭艷蓮

花纈天窓取氣揭薄紗武帳遇雪宜令透風則人不致受炭氣而

疾地爐掘地為生火燃枯屑遙想林岫已婆

娑却愛郊垆正飄瞥即景竭詠都官句占年

夙記農家說醉翁髯老垂號令會取陳言能

點鐵

命梁詩正等賡前題因再作一首

同雲一色難分葉禁體苦吟雪非雪背觸如

叅竹篔子歐令蘓傳兩奇絕蝗深可卜田火

除心喜應教屐齒折况復督亢舊膏腴是日過安

蕭督亢陂即燕丹恰似藍田未堙滅梁王已

命兔園宴杜老那擅鯨魚掣憑輿攬結吟興

飛拈鬚何慮冰花纈十餘字耳乃區區不因

步韻宜避屑余謂屑字似應在禁却憶澄海

禁水部癸亥冬澄海樓與張照梁詩正聯句凡字涉水部者槩不用視此稍嚴耳

倡和豪情巖電瞥試看滕六御風行彼則有

言可無說獨憐呵凍賡吟者毳衣布帳寒如

鐵

雪中過定興縣

斜飛作勢正鬖髯高下糝糊驛路賒凍咽小

溪疑漱玉春回老檜欲生花

乾於細雨濕於霜寒裊鞭絲度范陽千載詩

人傳島瘦賈島范陽人白雲深處望迷茫

村鴉恰恰向林啼極目遙天勢乍低憶得三

年前覓句瓊田跋馬瀋城西

坡翁一句記分明將謂恢諧却有情歌舞農

夫怨行路由來兩雪不相爭斯人何似似春兩歌舞農夫怨

行路東坡次韻王滁州句也

掛瓶菊疊舊作韻

攜來清苑秋色治途無菊至保定始見盆植者折數枝插瓶中會得

江州孟嘉不畏蹊邊雪冷何妨帳外霜華無

言花姿葉態隨意黃正紫斜含毫似難揣稱

燄垂蠟燭紅紗

三清茶

以雪水沃梅花松實  
佛手啜之名曰三清

梅花色不妖佛手香且潔松實味芳腴三品  
殊清絕烹以折脚鎗沃之承筐雪火候辨魚  
蟹鼎煙迭生滅越甌潑仙乳檀廬滄禪悅五  
蘊淨大半可悟不可說馥馥兜羅通活活雲  
漿澈偃佺遺可餐林逋賞時別懶舉趙州案  
頗笑玉川譎寒宵聽行漏古月看懸玦軟飽  
趁幾餘敲吟興無竭

弘恩寺

梵宇接通衢花宮別一區焚香薰意葉禮佛  
定心珠不認幻空色誰叅真有無暫教停玉  
食聊試飽伊蒲

左側闕離宮雲匡展轉通

左側離宮亦建於  
康熙年間白屋數

楹足有土階  
佳致

堯儉德丈室佛家風幾个寒筠綠一窻曉日  
紅歸鞭循徑轉人語出林中  
曹溪雖別源般若豈殊門

釋家分宗教律三  
門是處蓋持律門

也會得無為行何妨如是言冬初烏哺母歲  
久檜生孫迴首前遊跡光陰迅若奔憶余雍正年間

因往水東便道一至此寺忽忽十餘年矣

白雲觀

清都閱歲年咫尺鳳城西舊蹟傳日下愧我  
未留題西巡返翠華陽月迎朝曦迤邐阜成  
門紫府路左陞詎為遊仙來聊因便道宜延  
緣步石關揭要雕橫楣雲章鳳篆間將謂多  
神奇圓圓圖太極鼻祖自濂溪七真殿實古

聯語出張芝

殿內孫岳頌字甚有筆法

如何舍孔孟而云

交坎離淨室寂幽閒墨胎坐處機設云藉是

傳非得乃失之木鉢誠臃腫

室內真人鉢可容粟一石相傳

通密自塞外携至者

似有妙偈垂其後峙塗閣拾級登

雲梯

帝載無不通何況儼在茲瞻禮祈有年所願

恒如斯

今歲直隸秋成豐稔實數年以來所僅見者

徘徊撫庭植

松柏孳虬枝約畧考建置細睇無年碑

觀內有正

統正德重建碑又一碑無年號而所記處順堂事為最古云



兩朝垂寶翰觀內復有聖祖賜匾最多世宗御書福字煥若

雲霞披懿此長春宮佳勝孰與齊含毫紀初

歷風日洵恬熙廣成世間少訪道且遲遲

西巡廻鑿述事

繩

武惟懷詠陟山六龍琴履薄冬還赦除本為

青灾肆粟帛頻因養老頒

塵淨香街碾大章問

安依舊寢門常祝釐欣得文殊佑應與崇臺

並

壽康

歷覽倉箱萬寶登今歲直隸並山右晚田甚豐為數歲所罕見肯

忘宣郡目觀曾去歲至張家口彼處正被災雖亟賑恤感然未釋於懷

今秋薄得山田獲却為災餘喜不勝

民瘼時緣巡省知

仁皇家法至今垂歸鞭尚拂城闈柳正是小

陽未冷時

携眾春園并雪浪石稿本以歸因命董

邦達圖之再疊前韻

磊磊白石如甃屯蘓詩說項石以尊我臨定  
 武尋遺蹟寒雅叫樹山黃昏丹青思命傳神  
 手塾師徒遇三家村規模纔得具約略若為  
 祠宇若為門一峯已點長髭眼雪浪石已命張若靄圖一  
 矣幅三徑應貌香光魂古屋蕭蕭閱以窈竦松  
 落落盤其根憇游為想韓蘓躅苔蘚全蝕波  
 濤痕由來忘筌乃近道刻舟求者奚足論此  
 物頗幸仇池石至今安在高麗盆剪燭清吟

叅結習地爐活火方温存

命董邦達圖途間雪景彙括大意示之

因再疊禁體詩韻

藝圃曾聞輕楮葉營邱夙擅能圖雪設如白  
 戰遇歐蘓錯手無從堪笑絕昨從清苑返行  
 旌范陽古道循曲折雲幕翔天漸低黯煙凍  
 僧寮乍昇滅吟詩未覺冰硯寒行圍却喜飢  
 鷹掣筴筴著體化如幻綏綏罽帽緜於纈從  
 來此景我所耽興豪擬問誰遺屑却慙未透

即離禪還應為譜風花瞥耳眎目眎本一例  
約畧林嵐為指說畫成傳示同事看從教宵  
寐衾鋪鐵

五弟稽古齋全集刻成進覽即事書懷

華編成秩秩謙度出遲遲余與弟皆以雍正

文定稿而樂善堂全集刻於乾隆丙辰弟至

稽古得精粹由中不蔓枝清辭淡以遠豪筆

爽而竒恍憶晴牕永損箎唱和時集中諸作

同題者居大半

再疊擬聚星堂韻

拈出天花示迦葉一笑至今鬚鬢雪昨吟禁

體效歐蘓沓拖流風殊未絕冀北方欣麥鉞

綠江南應報梅胥折望中峰勢忽如迷旋教

萬徑人踪滅收餘活火煮三清名茶颼颼古鼎

松風掣亂侵屐齒乍凹凸細灑簾旌仍委纈

詩翁競勝巧形容島瘦郊寒全不屑清歡渴

望兩相爭此景年來曾幾瞥朱鳥温暎綿襖

披三希佳事還堪說明窓淨几展時晴古法

平沙劃錐鐵

明窓

徒倚明窓下温暾朱鳥光寄閒忘景急致遠  
覺時長衰火檀噴鼎扶盆橘染緗玩辭屆來  
復安靜養微陽

每至冬月輒寫寒梅數枝因成短句二

首

索笑巡檐意最親依然逢得弄珠人恰如老  
榦孤山側不負年年捷報春

品兼蘊藉與風流无咎猶然粉本留漫道寒  
冬偏寂寞明年芳事此從頭

題董邦達寒江獨釣圖

臨流弄竿綫會心古有方將取必姑與子釣  
而不網

柳州詩裏畫營邱畫中詩是一還是二妙處  
試傳之

冬至齋居疊舊作韻

評論晝短與宵長旋轉羲娥了不忙乍對銀

缸遲漏刻因披青簡發芸香  
姬公易象原堪見工部詩懷未易量  
遷坐致齋欽祀事天心來復又開陽

冬至日有事於

南郊

璇霄象緯庶昭明子月

天開殷薦行韶樂將將聆九奏  
崇壇嶽嶽步

三成獻籩允愜綏豐願

直隸今歲豐稔為數十年來所僅見者

捧璧彌深奉若誠靜驗大來而小往  
勤思保

恭以持盈

太液冰嬉十二韻

順時陳國俗擇地試雄觀  
號令傳河若威儀

紀水官光凝元玉浦聲咽碎珠灘  
散處雲馳

宇紛來雪噴湍端因智獨勝  
奚必力俱殫疾

以徐斯疾安其危乃安御風  
列應讓逐日夸

無難迅似巖飛電温知犀辟寒  
超羣殊閃燿

作勢更嬾珊擬議弦催箭形容  
鏡舞鸞一時

誇奪幟獨步早登壇妙義韜鈴  
外憑人著眼

看

臘月廿五日立春擬春帖子

萬物含韶律千門颺瑞煙雙春連一歲一氣  
轉雙年

鴻龍玉斗運無休京兆青旗迓土牛臘鼓喧  
鳴春草發一年農事又從頭

除日

除舊迎新節要春餞臘朝排門聲報竹卷燭  
頌稱樹麗景依蘭殿和風到綺寮元冥應惜

歲故慢轉招搖

